

ASSERTIONES
THEOLOGICAE EX LE-
CTIONIBVS IN SECVN-

dam secundæ, et tertiam partem

D. Thomæ collectæ,

ANTE INSTAURATIONEM

studiorum in templo Societatis IESV

disputande.



ROMAE, IN AEDIBVS SOCIETATIS
IESV Anno MDLX.

THE UNIVERSITY OF CHICAGO

LIBRARY

540 EAST 58TH STREET

CHICAGO, ILL.

1950



UNIVERSITY OF CHICAGO

1950

TOTIVS humanæ uitæ nostræ officium in duas partes distributum est, ut scilicet id, quod iure debemus & nobis, et alijs, uirtutum actionibus exequamur: alijs quidē per iustitiam, nobis uerò per reliquas uirtutes; Iustitia autem dignitate fortitudinem temperantiamq; superat; eiusq; materia, actiones sunt & actionum obiecta, res scilicet ac personæ: eius medium non solum rationis est, sed etiam rei, in æqualitate consistens, reddens unicuique quod suum est. Diuiditur autem in uniuersalem, æconomicam, & particularem Iustitiam.

DE RELIGIONE.

AC sub particulari Iustitia Religio continetur, inter omnes prima & potissima, quæ lato sumpta nomine, circa Deum & beatos uersatur: in qua summum est ius, & eius materia proxima actiones sunt, quas moderatur, erga illos; Remotior uerò honor & Reuerentia, seu, ut uno uerbo dicam, omnia, quæ per actiones illis tribuit. postremo ipsæ personæ sunt, quibus hæc tribuit.

EST autem una uera Religio, neque plures esse possunt, eaq; Christiana religio, non alia: Christiana uerò, quam sancta Romana approbat Ecclesia. Atq; hæc singula etiam ratione naturali persuaderi possunt, ex Diuinis effectibus, quos iam experti sumus, Diuinam & ueram Religionem coniectantes.

RELIGIONIS uerò, latè sumpto uocabulo, partes seu species sunt tres, Latra erga Deum (quæ sola propria & strictè Religio nuncupatur, & est) Dulia erga Bea-

tos, Hyperdulia erga Virginem Gloriosissimam Mariam.

L A T R I A E uero seu Religionis actus sunt multi,
inter quos, Deuotio, Oratio, Votum, iuramentum,

DE SINGVLIS ACTIBVS RELIGIONIS
ac primùm de Deuotione.

DEVOTIO duplex est, Humana, & Diuina; Hu-
mana ex affectu hominis erga hominem nata; Diuina ex cha-
ritate uel gratia; quæ Diuina, est promptitudo uoluntatis ad
seruiendum Deo, uel etiam sanctis; aut potius est uoluntatis
diuinus quidam actus uel affectus, quo prompta redditur uolun-
tas ad seruiendum etc.

D E O R A T I O N E.

ILL A Deuotio in Voluntate, at oratio potius uidetur in
intellectu, sed dubium adhuc uidetur. Verumenimuerò hæc
lato sumpta uocabulo nihil aliud profecto est, quam actibus
Voluntatis & intellectus cum Deo conuersari; strictius au-
tem, sola est collocutio cum Deo; adhuc strictius, sola est peti-
tio, qua ab eo aliquid petimus hæc autem collocutio aut peti-
tio mentis interior, intellectus est actus, uel potius Voluntas
tis, per medium intellectum, tanq; per nuncium, Deo sua desir-
deria manifestantis. Petit quidem utrunque à Deo, sed intels-
lectus tanquam nuncius, & Voluntati, non sibi; at Voluntas,
tanquam ea, quæ nuncium misit, & in petitione prima.

E S T autem orandus non solum Deus, sed etiam sancti;
diuerso tamen modo: Deus, ut gratiæ & gloriæ author;
sancti, ut pro nobis ad hæc obtinenda intercedant. Orandum

uerò est tum pro nobis, tum pro alijs; pro amicis, & inimicis;
pro iustis, & pro omnibus peccatoribus; pro fidelibus, & infidelibus;
pro uiuis, & pro mortuis; & ~~in~~ tum mente,
tum uoce; & publicè & priuatim; in Ecclesia & domi;
simplici sermone, & cantu; quorum quædam impiè negant
Lutherani.

D E V O T O.

AT petitioni Votum quasi è regione respondet; cum peti-
tio constituat, quid alter pro me debeat facere; Votum, seu
promissio, quid ego pro altero sim factururus: illa, inquam, ordi-
nat factum alterius ad me; hæc rem uel factum meum erga al-
terum. Non est autem Votum solum Voluntatis propositum,
etiam deliberatum, & firmum, sed promissio; neque uerò
quæcunque promissio est Votum: non enim homini facta;
etiam propter Deum, & de rebus ad illum spectantibus, sed
Deo solum facta.

Promissio autem hæc non quæcunque satis est ad obligan-
dum sed deliberata, & deliberata bonæ quidem rei, quæ Deo
placeat, non male, ut sit uerum Votum & Religionis actus.
Atque etiam propriè uotum eorum tantum est, quæ sunt cons-
silijs; licet nihil uetet, quæ sunt precepti, uoueri quoque. Ita
fit, ut ad perfectum Votum tria requirantur, Promissio, eaq;
rei bonæ, Propositum implendi, & Deliberatio.

Obligat autem Votum, etiã si ex ijs aliquid desit. Dum enim
sola adsit promissio, sitq; rei bonæ, aliquo modo quis tenetur,
etiam si non habuerit animum implendi; at si habuerit, eò
magis; celsi deliberata promissio. eò fortius. quòd si non de-
liberata sit promissio, tamen sit libera (ut, cum ex timore,
ira, uel alia quis perturbatione mouet) aliquo etiã modo tenetur.

Quòd si expressa deliberatione, adhuc magis; & si externa uerba, & adhuc testiles, maximè. Crescit nanque dictis gradibus uoti obligatio. Irritari autem, & commutari, ac dispensari uota possunt, cum causa.

DE SINGVLIS VOTORVM GENERIBVS.

Ac primò de Deliberato, ac Indeliberato; Verò, ac Fictò.

INDELIBERATUM ergo aliqua ratione obligat, dum sit liberum: sin secus, minimè. deliberatum uerò, maximè, siue tacita, siue expressa deliberatione. Fictum uerò, quod solis externis sit uerbis, non obligat apud Deum; sed coram Ecclesia factum, censendum Votum. At si uouere uoluit sed non explere uotum, etiam coràm Deo. Verum autem Votum, siue solum, interius, siue interius pariter, exteriusq; fiat, certum est obligare semper.

DE VOTO SIMPLICI ABSOLUTO.

IAM simplex votum absolutum est multiplex, & ex diuersitate earum rerum, quas uouet quis, agnoscendum. aut ergo est eorum, quæ extra nostram sunt potestatem, ut impossibilium, uel absolute necessariorum, & hoc est stultum uotum; aut eorum, quæ in nostra potestate; ac tunc aut rei, aut operis boni, uel mali, uel indifferentis. Indifferentis quidem uanum est uotum, neque obligat. mali, ut mortalis peccati, uel uenialis, impium est Votum, ac cuiuscunque alterius mali, potius est comminatio, quàm Votum, in quibus tantum abest, ut obligent, ut contrarium potius sit agendum.

IAM bonæ rei uotum, uel operis, est, aut præcepti, aut

consilij; aut neque consilij, neque præcepti; Præcepti, necessa-
riorum uidelicet ad salutem, uerum est uotum. ac tenet.
Consilij, magis proprium adhuc uotum est, ac perfectius. Bos
ni neque consilij, neque præcepti, ut nubendi, uel diuitias pos-
sidenti, si in genere fiat, certum est, ad nihil obligare, imò ui-
tuperandum esse Votum.

De oppositis autem consiliorum, uotum, ut non ingrediens
di Religionem, non elargiendi eleemosynas, impium est uotum;
ut cuiusuis alterius peccati; Votum uerò absolutum, ob malum
finem uouentis factum, sed de re bona, tenet: non autem, si
ipsa relatio rei bonæ ad malum finem; sub uotum cadat.

DE VOTO CONDITIONATO.

VOTUM etiam Conditionatum est multiplex, sed eius
diuersitas & obligatio, ex duobus sumenda est, ex re scilicet,
quæ uouetur, & conditionis diuersitate. Et ex re, quæ uouetur,
idem prorsus habendum iudiciū, quodd. de absoluto. nā
si res impossibilis, aut absolute necessaria; stultum erit uo-
tum: si mala, illicitum; si indifferens, uanum; nec minus ad-
dita conditione, quā ablata.

AT si bona res, quæ promittitur, tunc est distinguen-
dum, & spectanda conditio, atque hæc sanè eodem modo esse
potest uel impossibilis conditio, & tunc ad nihil obligat uo-
tum; uel rei absolute necessaria stulta conditio, tamen tenet
uotum: aut possibilis, quæ scilicet cuenire possit ac non possit,
& tunc si rei bonæ, cum alioqui Votum sit de re bona, dus-
bium non est, quin obliget: si indifferentis rei conditio, uo-
tū tenet, & obligare incipit post tempus positæ conditionis;
sed tamen peccat uouendo, cum rem nihili, tantæ rei, quan-

ta est uotum, annectat, & ex illa pendere uelit.

si uerò rei turpis, aut illicitæ conditio; illud ex sensu uel intentione uouentis metiendum est. nam adhiberi potest, una ex quatuor uel quinque modis; cum ergo sit conditio finis turpis, per uotum impetrandi, aut cum sit tanquam in compensatione & gratiarum actionem Deo pro illa, si eam à Deo impetrauerit, blasphemia potius est, quam Votum, nec tenet. Cum autem additur tanquam in pœnam peccati, si labi contingat (ut uouet hoc, si in adulterium incidat) aut tanquam in remedium præseruans à peccato, quia nollet reddere quod uouet, atque ideo abstinere à peccato; ut duobus locis licitum est, ac tenet. atque eodem modo tenet, si sub euentu solo de re turpi conditio fiat, ut si contigerit filium, filiamue in peccatum lati, hoc uouet.

DE VOTO SOLENNI.

EST autem solenne aut Sacerdotum Castitatis Votum, aut Religiosorum. differt autem à simplici, quòd sola est promissio in simplici sine traditione, aut si traditio etiam sui, quantum est ex se, sed sine acceptatione alterius partis, hoc est, Dei per Ecclesiam in perpetuum tale votum acceptantis; in solenni uerò hæc adest acceptatio, & perfectus fit contractus, & datur accipiturque possessio, ut in matrimonio. & hinc etiam postea sequitur, consecratam Deo personam remanere, et ideo matrimonium impediri carnale.

DE VOTO RELIGIONIS.

Religio, ut diximus, uirtus est, quæ Deo uerum cultum tribuit,

buit, & ideo uera Religio sola dicitur Christiana, & hoc pax.
 Eto omnes Christiani, Religiosi. At hæc Christiana Religio
 præcepta habet, & consilia: cum ergo consilia antecellant,
 hinc fit, ut magis propriè sibi uendicet nomen status Religios
 nis, in quo Euangelica seruantur consilia; & Religiosi magis
 propriè dicantur, qui illi statui perfectionis, hoc est, consilioz
 rum, se dedicarunt, Castitatem, Paupertatem, & obediens
 tiam seruantes.

IMO si adsint ista tria, nisi uoto sint obfirmata, uera ac
 perfecta Religio dici non meretur. Est autem perfectius uouea
 re, quàm illa sine uoto seruare; & perpetuo his se obligare
 uoto, melius; & solenni adhuc uoto se adstringere, ut sanctæ
 Ecclesiæ Religiones consueuerunt, perfectissimum & optimū.

Si quis autem ingredi Religionem uouit in genere, quāz
 uis ab una uel dualus repellatur; omnes, ubi stes sit, quia res
 cipietur, Religiones approbatas, adire debet, idq; ex ui uoti;
 at ex animo uouentis, ut ferè semper contingit, satis est, si sibi
 notas & suæ regioni propinquas; At si in particulari hanc uel
 illam, hoc uel illud carnobium ingrediendi, nec admittitur, uel
 excluditur admissus, ab obligatione manet liber.

DE IURAMENTO.

Iuramentū est, Deum in teslem assumere uel inuocare, hoc
 est, in testimoniū adducere eius, quod dicimus. Iurare autē non
 solum licet si rectè sit (rectè autē sit, cū uerè, iuste, et cum iudic
 cio suscipitur, præsertim cū necessitas iurandi compellit; tum
 uerò religiosius cū modus in iurando, reuerentia, & deu
 tio, & finis rectus intercedit, ac personæ & iuramenti des
 centia) sed meritum etiam offert, cū sit religionis actus, non

expetendus ille quidem propter se, sed qui loco usurpatus, in firmam hominum fidei salubriter medeatur.

EIVS autem obligatio, licet sit minor obligatione voti, minus tamen, quam illa, Pontificis dispensationi subest. Admittit tamen, cum causa postulat, commutationem, dispensationem, & irrotationem, ut Votum.

DE VITIIS RELIGIONI CONTRARIIS, Ac primum de Simonia.

Religioni vitia quædam opponuntur, inter quæ simonia, idololatria, Diuinitas, Ars notoria, cum alijs impietatum ac superstitionum generibus. Est autem simonia, cum spiritualis res pro temporali uenditur; sed spiritualis res duplex est, una diuina, à spiritu scilicet sancto profecta, in qua propriè simonia cernitur: Altera humana seu naturalis, ut scientia, consilium; in qua non propriè Simonia, sed aliud uidetur vitium. illa uero res diuina, triplex; per essentiam spiritualis, per causam, per effectum. Quorum nihil licet uendere, ac ne annexa quidem spiritualibus.

Simonia autem duplex est, mentalis & realis: mentalis uerò duplex, aut purè mentalis, quæ scilicet in solo animo sine ullo pacto contingit; aut pactioalis, seu conuentionalis, ut ita dicamus, in qua pactum solum aliquod, tacitum uel expressum interuenit. Et illa quidem purè mentalis, adhuc duplex; aut solo desiderio, nihil accipiendo, aut aliquid reuera accipiendo: Et eadem uel utrinque mutua, uel ex altera solum parte. Ac nulla istarum purè mentalium, ad restitutionem obligat, et mirum hoc in mentali Simonia uideri poterit, cum tamen mentalis obliget usura.

DE Idololatria, & Diuinatione.

Idololatria quidem omnium superstitionum est grauissima; imò ex se considerata, omnium etiam peccatorum. Diuinationem autem omnis futurorum contingentium, aut fortuitarum rerum, uel euentuum, aut operum hominum, uel uoluntatis liberorum, uel aliorum, quæ ex his pendent, aut effectuum etiam supernaturalium, illicita & superstitiosa habenda est; imò etiam rerum naturalium, si ultra, quàm res naturalis, per quam fit Diuinatione, ostendere potest, se extendit.

NEC minus etiam per astra diuinare uelle futurorum contingentium euentus, magna est uanitas; multo autem maior, opera hominum libera uelle conijcere, aut alia, quæ eisdem accidunt libera, uel naturalia, uel supernaturalia. sed neque ex astris naturales effectus horum inferiorum prædici possunt à nobis; nisi pauci admodum, atque etiam incerti, et fallaci diuinatione.

DE ARTE NOTORIA.

NEC minus illicita est Ars notoria, quæ à dæmonibus scientias petit, & eas falso pollicetur; ac non solum illicita, sed inefficax; cum dæmones mentem interius illuminare nequeant; quod tamen possunt Angeli. Quare neque interius unquam docere suos potuerunt scientiarum dogmata, nec intellectui scientiam infundere.

DE Figuris, Quas Astronomicas dicunt.

Quædam asserunt figuras quoque, seu Imagines, quas Astronomicas appellant, arte fabricatas, ad aliquos effectus con-

sequendos, uel diuinandos (si considerentur, ut naturales quædā res sunt, à cælo et artifice simul effectæ, uel non per se, sed ut subsunt astris, aut sub alia aliqua ratione) præterquàm quod ratione suæ materiæ, puta ligni, aut luti, aut lapidis, possunt; qui, inquam, aliquam asserunt habere uim, aduersantur fidei & rationi.

DE SACRAMENTIS.

Quid sit sacramentum, & quid perfectum sacramentum.

SACRAMENTORUM consecratio, susceptio, & collatio, ueri sunt Religionis actus, & ipsa etiam sacramenta res quædam sunt sacræ, ad Religionem spectantes. Erit ergo sacramentum sacrum signum, non ab hominibus, sed à Deo institutum: nec cuiusuis rei, sed occultæ: & huius, non omnis, sed gratiæ: nec solum signum, sed efficiens: si tamen perfectum esse debet unde quaque sacramentum. Meritò ergo definitur, signum uisibile inuisibilis gratiæ, eius similitudinem gerens, & causa existens. nam etiam si hæc non extarent sacramenta, talia esse deberent perfectissima. Secundum locum post hæc tenerent, quæ signa quidem essent, sine quibus non daretur gratia, & quibus positis, daretur. Postremum & ultimum, quæ mera essent signa.

DE SINGVLIS SACRAMENTIS, AC

primùm in statu innocentia, an ulla sint, uel fuerint.

IN statu primùm innocentia nulla extitisse, aut futura fuisse sacramenta, si in eo homines permansissent, uerisimilius arbitramur: licet potuisse esse tunc aliqua, non repugnet. Euissent siquidem signa aliquot externa gratiæ ab ipsis met hominibus, uel fortasse etiam à Deo instituta, quibus fidem suam testarentur, quasi cultu externo, fuissentq; hæc huius generis tunc sac

cramenta, id est signa fidei & Gratia, ac aliarum rerum spirituum
ritualium, sed non causa, neque his esset alligata gratia, seu
Fides: sed magis ex interna Dei gratia, & Fide, hæc exte-
riora opera, ex Dei impulsu sequerentur. sicut nec in Beati-
tudine ullis indigent sacramentis, ubi nec sunt, nec fuerunt, nec
inter Angelos, nec inter Beatos.

DE sacramentis in statu naturæ, ante legem.

I A M uerò, post illum felicem innocentia: statum, successa
sit status corruptionis; qui quidem est impii, Naturæ, Legi-
gis, & Gratia,

Atque aliqua omni tempore, & in omni statu necessaria fuisse
post peccatum Sacramenta, confitendum est, quibus homines
à peccatis liberarentur, & docerentur, & in uero Dei cultu
continuerentur.

QVare in statu naturæ aliquot fuisse, licet à nostris diuersa;
sacrificia uidelicet, & oblationes, per quæ peccatum illis origi-
nale, & mortalia quoque dimittebantur; ea autem certa non
erant instituta, aut certum eorum tempus, modus, et numerus
certus, sed ex spiritus sancti inspiratione, prout quisque moue-
batur.

H AEC sacramenta typum gerebant Christi futuri, ut
veteris legis sacramenta, et eius gratia: ac gloria, quæ per illu-
lum danda erat, ac presentis fortè gratia, quæ iisdem dabatur;
sed solum signa erant, ad quorum præsentiam gratia daretur,
non causa.

DE sacramentis Veteris Legis.

I A M cum totum penè genus humanum, aut certè magna
eius pars, in idololatriam, uariasq; superstitiones, uero Dei cula-
tu omisso, laberetur: atq; hinc in uaria quoque peccata et densi-
sissimas ignorantia: tenebras incidisset; Deus Opt. Max. qui

modis omnibus generi medetur humano, populum sibi delegit, cui legem, uerum cultum, & sacramenta conferret. Instituit ergo illis hæc non ut antea, ut amplius libera, & incerta manerent: sed ut certa quædam, & non alia offerrentur, & præscripto eis tempore, & modo, ne error iterum falsi cultus obreperet. In his etiam clarius & expressius, & plura futuri Christi mysteria significauit, quàm olim. Atque per hæc eos in officio continuit, usque ad Messiam: non tamen gratiam illa efficiebant, sed significabant.

DE CIRCUNCISIONE.

S E D de Circuncisione maior aliqua uidetur difficultas, an peccatum originale deleuerit, & gratiam contulerit: nam alia certum est, egena fuisse elementa. In utranuis autem partem contrariis existentibus opinionibus, dicendum uidetur, nec habuisse effectricem uim gratiæ, neque tamen fuisse merum signum: sed signum eiusmodi, sine quo Fides, aut opus operantis satis non esset: sine quo, inquam, Gratia, seu iustitia fidei non daretur, & quo posito simul cum fide daretur; neque ideo aut inutilis erat Circuncisio, aut melius, si illa cæsuisset, ut in naturæ lege; cum ex hoc complura eis commoda acciderint.

R E C T E autem eo tempore, Abrahæ scilicet, instituta fuit, nec debuit, aut oportuit antea. Et rectè in ea parte corporis constituta, & rectè uni certo populo, iudeorum scilicet, Abrahæ semini data, non omnibus. At hæc usque ad Christum. Nam statim post passionem cessauit. à Christo etenim noua quædam alia sacramenta ortum habuere, de quibus iam dicendum.

DE SACRAMENTIS NOUÆ LEGIS, & GRATIÆ

VT autem alia sunt præsentis, futuri, ac præteriti temporis uerba; ita etiam rectè sacra signa seu sacramenta, quæ Christum ueturum, ab eis diuersa, quæ illum uenisse significarent. Hæc autem nostra & signa sunt, Christi, eiusq; passionis memoratiua, & præsentis ostensiuæ gratiæ, et prognostica futuræ gloriæ. Superant autem ueteris legis sacramenta, dignitate, uel ac uirtute, autore, significatione, facilitate, paucitate, & alijs.

DE SACRAMENTORVM NOUÆ LEGIS

ui, seu efficiendi uirtute.

NEC solum signa sunt, ut illa, sed causa gratiæ quam continent; quæ in singulis sacramentis propria est, ac diuersa. Efficiunt autem sacramenta hæc nostra gratiam, ut instrumenta Christi Redemptoris nostri, uirtute scilicet quadam spiritali ab ipso accepta, qua pertingunt usque ad delenda peccata, & gratiam in anima producendam. Atque ita uerè efficietes sunt causæ: quæ efficiendi uirtutē ex passione saluatoris nostri habent deriuatam. Et quidem omnis per hæc sacramenta uera iustitia uel incipit, uel cœpta augetur, uel amissa reparatur.

DE PARTIBVS, MINISTRO, SOLEMNitate, institutione, et numero sacramentorum, cum alijs.

CONSTANT autem singula ex materia & forma, rebus uidelicet, & uerbis. Quod si altera pars deesset, sacramentum non esset, aut si ita mutata, ut significatio non maneret. Requiritur quoque ministri intentio, sed non fides, nec uitæ sanctitas. At in peccato ministrans aut suscipiens sacramenta mortaliter,

solenius quoque Ecclesie in sacramentis ~~et~~ seruanda, ac si
contemnatur, aut priuata auctoritate immutetur, peccatur mor
taliter; præsertim cum aliqua eiusmodi suis effectibus spirituas
libus non careant; at sine his uerum esset sacramentum.

INstituta uerò sunt omnia à Christo immediate. nam so
lus ipse hanc habuit condendorum sacramentorum potestatem.
Apostolis enim et Ecclesie solum ministerium communicauit.
neque uerò tota, quam habuit in sacramentis Christus potestas
tem, alijs meris hominibus communicari potuit. sunt autem
septem numero tantum; et omnia perfecta et propriè sacra
menta, et necessaria Ecclesie ad salutem consequendam, licet
non omnia singulis.

L A V S D E O

